

ANEXO II. PROCEDIMENTO PARA A SOLICITUDE E AVALIACIÓN DA PRODUCCIÓN DE TRANSFERENCIA DOS ANOS 2017 E 2018

O procedemento consta das seguintes partes:

- 1.- Introducción dos méritos do persoal investigador na aplicación e validación na mesma dos méritos cuxa avaliación se solicita**
- 2.- Remisión por correo electrónico do listado definitivo de méritos validados**
- 3.- Valoración pola Comisión de Investigación dos méritos que non poden ser valorados automaticamente**
- 4.- Avaliación provisional da PT 2017-2018**
- 5.- Reclamacións á Avaliación provisional**
- 6.- Revisión das reclamacións**
- 7.- Avaliación definitiva da PT 2017-2018**

1.- Introducción dos méritos do persoal investigador na aplicación e validación na mesma dos méritos cuxa avaliación se solicita (ata o 3 de maio de 2019)

Os méritos poderán ser introducidos na aplicación dende o día de publicación da convocatoria, e as Unidades de apoio á investigación e transferencia dos diversos ámbitos, coordinadas cos departamentos que correspondan, poderán establecer os prazos internos que consideren axeitados para a recollida da documentación acreditativa, revisión da mesma e validación dos méritos, co obxecto de organizar o procedemento para a introdución e validación de méritos.

Se habilitará na aplicación do SUXI XC un mecanismo para cargar a documentación acreditativa do mérito. Non será necesario presentar nas sedes dos departamentos.

As Unidades de apoio á investigación e transferencia dos diversos ámbitos, coordinadas cos departamentos, poderán tamén dar recomendacións sobre a organización para a entrega ou envío da documentación acreditativa.

Os datos dos méritos pódense introducir en calquera orde. Pódense facer todas as modificacións que se crean necesarias ata o remate do prazo de introdución de méritos, previamente á validación dos mesmos.

Serán introducidos polo persoal de Servizos Centrais os seguintes méritos:

- A. PROXECTOS, COLABORACIÓNS E CONVENIOS CON EMPRESAS
- B. CONTRATOS DE LICENZA
- C. PROPIEDADE INDUSTRIAL
- D. CREACIÓN DE EMPRESAS DE BASE TECNOLÓXICA (EBT)

Estes méritos estarán dispoñibles para seren consultados na aplicación na súa totalidade dende o día de publicación da convocatoria.

Deberán revisarse os méritos introducidos na aplicación, tendo en conta a documentación acreditativa presentada e os criterios de avaliación, previamente á validación dos mesmos.

No caso de que os méritos introducidos teñan datos que non se correspondan coa documentación acreditativa terán que ser modificados antes da súa validación.

NON SE ACEPTARÁ NINGUNHA RECLAMACIÓN SOBRE OS SEGUINTES SUPOSTOS:

- Soportes e/ou méritos non introducidos na aplicación
- Asociacións dos méritos aos/ás investigadores/as non introducidas na aplicación
- Datos non introducidos na aplicación cando sexan obrigatorios
- Datos corrixidos ou introducidos no resumo impreso, pero non na aplicación
- Incongruencia entre os datos do listado enviado á Vicerreitoría de Transferencia e os existentes na aplicación

2.- Remisión por correo electrónico do listado definitivo de méritos validados (data límite o 10 de maio de 2019)

As Unidades de apoio á investigación e transferencia dos diversos ámbitos, coordinadas cos departamentos que correspondan, deberán remitir por correo electrónico á dirección auvicinv@uvigo.es o listado definitivo de méritos validados cuxa avaliación se solicita, que se descarga como arquivo Excel ou pdf da aplicación informática, coa sinatura do/a secretario/a ou director/a de departamento que corresponda en cada caso, como confirmación do visto bo do Consello de Departamento como se require nos criterios de avaliación da PT 2017-2018. A remisión deste listado dentro do prazo establecido para elo é obrigatoria.

3.- Valoración pola Comisión de Investigación dos méritos que non poden ser valorados automaticamente

A Comisión de Investigación reunirse para decidir sobre a valoración dos méritos que non poden ser valorados automaticamente. Esta valoración será trasladada ao persoal de xestión da investigación para a súa introdución e validación no SUXI-XC.

4.- Avaliación provisional da PT 2017-2018.

Unha vez finalizadas as etapas anteriores e realizadas as operacións necesarias na aplicación pola Vicerreitoría de Transferencia, comunicarase aos departamentos e ás Unidades de apoio á investigación e transferencia dos diversos ámbitos que está dispoñible a Avaliación provisional da PT 2017-2018, para a súa consulta no SUXI-XC.

5.-Reclamacións á Avaliación provisional

O persoal investigador poderá consultar o estado e valoración dos seus méritos. Desde o momento no que se comunique que está dispoñible a Avaliación provisional establecerase un período para a presentación de reclamacións. Estas reclamacións faránse a través das Unidades de apoio á investigación e transferencia dos diversos ámbitos, coordinadas cos departamentos que correspondan.

6.-Revisión das Reclamacións

As reclamacións serán revisadas polo persoal de xestión da investigación, e avaliadas pola Comisión de Investigación de ser necesario. Posteriormente, corríxirase a valoración dos méritos que o requiran na aplicación informática.

7.-Avaliación definitiva da PT 2017-2018

Unha vez realizadas as correccións correspondentes, comunicarase que está dispoñible a Avaliación definitiva e remitirase o importe correspondente a cada departamento, se procede.

Importante:

O procedemento de solicitude de avaliación da PT 2017-2018, incluíndo a fase de reclamacións, debe ser realizado a través das Unidades de apoio á investigación e transferencia, en coordinación cos departamentos que correspondan. En ningún caso aceptaranse solicitudes enviadas de modo individual polo persoal investigador.

Non existirá unha comunicación expresa a cada investigador ou investigadora sobre o resultado da avaliación definitiva, xa que a notificación faise ao departamento e ás Unidades de apoio á investigación e transferencia dos diversos ámbitos. No entanto, o persoal investigador poderá consultar o estado dos seus méritos no SUXI-XC.

Lémbrese que a Vicerreitoría de Transferencia poderá levar a cabo unha comprobación por mostraxe dos datos rexistrados con posterioridade á avaliación provisional, e antes do 31 de decembro de 2019, podendo aplicarse as penalizacións previstas nos criterios de avaliación da PT 2017-2018 en caso de detectarse o rexistro de méritos non avaliados ou méritos para os cales non exista a documentación xustificativa completa.

Para consultas:

Relacionadas coa aplicación informática: soporte.investigacion@uvigo.es

Outras cuestións: auvicinv@uvigo.es